

ZARRAK ETA GAZTEAK

GAZTEAK BILLA

Gazteak gaurkotasunean irakasle izaten dira. Zarrak gazteengandik ikasteko gertu egon bear dabe, batez be gure aldietako bear-izanaiz egoki izateko gaietan.

Oraingo gizaldi onek, langilleentzat alogor obeak lortzeko, biziera egokiagoa izateko, alegiñak egiten ditu.

Gazteak, aurrerapena lortu bear dabenean, txarra edo kaltebidea izan daitekenik ez dabe gogoratzen, ez dauke bildurrik.

Oraindiño ez dira eldu euren elburu, gopagen eta egiteraiño, baiña orretan dabiltz eten barik eta adoretzu, kemen eta uste aundiz.

ADORETSU

Gaur, gizaldi gazteak bere arloa beteten diardu. Gizabide lilluragarrictan dabil.

Zarrak, begiak, entzumena ta adimena itxi gura ez ba'dabez, gazteen laguntzaz asko geiago ikusi leikee.

Ez dogu esan gura, zarrak gazteen gogamen eta egitada barri guztiak onartu bear dabezenik. Esaterako seksu-bideak edo droga zalekeriak edo ikasteko arclurabakotasuna.

Ez dogu esan gura, zarrak gazteen gogamen eta egitada barri guztiak onartu bear dabezenik. Esaterako seksu-bideak edo droga zalekeriak edo ikasteko arclurabakotasuna.

Orregaitik, gazteak orretan diardue, ez arinkeriz eta jakingabez, politika-jakituriz baiño: Len baiño urrago jo-muga orretara gizadia eldu leitekela ausnartzen eta gogoratzen dabe.

Tamalez, emen Euzkadi'n, gure artean, gaztedia gizadiaren elburu orretatik aldenduten doala dirudi, baiña laster munduko gaztediaren bidera sartuko dala uste dogu.

ZARREN BIDE OKERRAK

Zarrak ba-ekien langintzan, salerosketan, clirur arazoetan, okerkeri aundietan ondatuta eta murgilduta egozala.

Alan be, ontzat artu ez arren, era orreik aldatzea gaitxa dala uste dabe eta gauza orreik kazikeena, jauntxoena, dirala esaten dabe.

Baiña irurogei urteko askok be, euren diru-biderik onenetan bide okerrak eta zuzengeak arteztuten diardue, naizta ondoren beteraiño eldu ez. Zarragoak bildur ziran bide orretatik joateko baiña bultzaka, indarka eta alegiñetan dabiltz.

ZARRAKANDIK IKASI

Jakiña, gazte guztiak ez dira zuzenak, artezak, ezta arazo zuzenen eragilleak be.

Baiña zarrak diranak, eurak irakasten dautsena ikasi bear dabe eta antxiñako oitura zarrak gure aldiko bear-izenetara egokitu bear dabez.

Eta gazteak ez dabe izango zarrakandik ikastekorik?

Bai orixe, eta ez gitxi. Zarrak ikasitako ondasunketa aundia dabe eta irakasteko prest ba'dagoz, gazteak asko ikasi leike eurakandik.

Antxiñako gazteak euren abendako zarrakaz era bitan jokutzen eben: Edo euren bizilekue-tatik kanpora jaurti edo cleclu ta lotsaz begiratu jakituri-iturria ba'litzaz lez.

Olan begiratzen ba'ziran, zarrak abenada-erriari iraun-azo egiten eutsoen, sendatu ta tinkatu egiten eben aberria.

ERRIAREN IZEN ONA

Gure euskal-abenda onetan, gazte batzuk zarrak ostopo ta eragozpen lez ikusten dabez.

ona ta ospetsua izan zan.

Paris'ko Andra Maria'ren eleizan, auxc esan eban izlari ospetsu batek. Euskalerritari buruz: Erri aske ta onbidetsuak etxekoai dautsen dedu ta itzala, biurtu clagioguzan sendiari. Erri bat bizi cia, ebreetarren antzera, gizaldietan zear antxiñako oituren zaletasunean. Etxeko teillapean aske ta begirakor zan Euskalerriri lege naigarri ta jakintsu au idatzi eban: Euskotar baten etxera bederatzi oinkada baiño urrago agintaririk ez daitela sartu.

JARRAITU

Beste itzaldi baten iñoan: Aberastasunik onar-tzen ez dauan eta txirokeririk ezagutzen ez dauan Euskalerriri, ikuskizun bakana emoten dausku.

Gure zarren jarraibide oneik, ez dagizala aiztu Euzkadi'k.

Emengo gaztediak orain galdu leike altxor maitagarri ori, gure erriko antxiñakoen oitura ta ekandu agurgarriak onartu ezik.

Kontuz ibilli gero ! Bestela zeuen ondamentia billatzen dozue!

LETONA'k